



Komunikadu da Imprensa

Periodu: Juñu 2012

Edisaun : 9 Jullu 2012

Tribunál Distritál Baucau absolve arguidu kazu violénsia doméstika rua tanba lezada la hatu nia deklarasaun iha tribunál

Iha lora 26 fulan Juñu Tribunál Distritál de Baucau halo prosesu julgamentu hodi lee leitura sentensa ba kazu violénsia doméstika rua ne'ebé akontese iha Distritu Lautem. Kazu rua ne'e, ida primeiru rejista ho Númeru Prosesu :134/Crm.S/2011/TDB. Arguidu ba kazu ne'e mak Lamberto dos Santos ne'ebé komete krime hasoru Juvensia da Costa Lopez, ninia kónjuje rasik, ne'ebé akontese iha lora 12 Feveiru 2011 iha Aldeia Foé-Ma'a, Suco Soru, Sub Distritu Lospalos, Distritu Lautem.

Aleinde ne'e ba kazu seluk ho Númeru Prosesu; 25/Crm.S/2012/TDB, arguidu ba kazu refere Marito Bernardo Amaral no vítima Alexandra Kete. Kazu ne'e akontese iha lora 18 Setembru 2011 iha Aldeia Bemoris, Suco Fuiluru, Distritu Lautem.

Prosesu leitura sentensa ne'e lidera husi Juiz Dr. Afonso Carmona no Ministériu Públiku representa husi Dra Benvinda da Costa, arguidu hetan asisténsia legál husi Dr. Cancio Xavier husi Eskritóriu Defensória Públiku.

Antes ne'e JSMP observa katak tribunál kontinua manifesta sira nia komitmentu atu fasilita prosesu ba kazu rua ne'e lao lalais no efikas, atraves husi julgamentu movel iha Distritu Lospalos.

Diretór Ezekutivu JSMP Luis de Oliveira Sampaio haktuir katak, *JSMP nafatin preokupa tanba tribunál sira kontinua hatudu diferensia ba aplikasaun provizaun artigu 125 Kódigu Prosesu Penál relasiona ho kazu violénsia doméstika, tanba antes ne'e Tribunál Rekursu hatun ona akordaun ida hodi interpreta aplikasaun provizaun artigu 125 ne'e.*

Ba kazu rua ne'e Minitériu Públiku akuza ho artigu 145 Kódigu Penál Timor Leste junta ho artigu 35 Lei Kontra Violénsia Doméstika.

Faktus provadu hatudu katak, aktu violénsia doméstika akontese duni, maibé iha parte seluk hare ba produsaun faktus iha tribunál, no lezada rasik rejista hodi la fo deklarasaun ba tribunál nomos arguidu hili nia direitu atu nonok. Tanba ne'e laiha evidensia ne'ebé suficiente atu kondena arguidu nune'e tribunál absolve arguidu husi akuzasaun Ministériu Públiku nian.

Atu hetan informasaun kle'an, favor kontaktu:

Luis de Oliveira Sampaio

Director Ezekutivu JSMP

Email: luis@jsmp.minihub.org

Landline: +670 3323883/7295795

Website: www.jsmp.minihub.org